



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel
Francofurti Ad Moenum, 1690**

Caput I. Augustinus (a) De fide pactionis & consensus.

[urn:nbn:de:hbz:466:1-74533](#)

& in pastorali, alleg. 32. Diana pluribus relatis, 7. p. tract. 1. refol. 23. Idem dicendum est, quoties contractui prescribitur forma praesisa, sub qua celebratus valeat, & aliter non sustineatur: tunc si forma non servetur, omnino nullus est, etiam attento jure naturali. Primo quia alter datus consensus nullus est, secundum leges, quae illum nullum absolutè reddunt. Deinde quia contrahentes cogitarunt de tali contractu celebrando, & non de alio negotio; quare si non valeret ut talis contractus, non potest sustineri ut simplex conventione, ut pro expositione legis 1. §. si quis 2. ff. de verb. obl. docuerunt tres magni Primarii nostri, Valentia lib. 2. Illustr. tract. 3. cap. 4. à princip. D. Ramos in l. juris gentium, §. sed cum nulla, ff. de pacis, D. Retes in tract. de obligatione naturali, inspecc. 2. num. 21. Nec obstat, Ecclesiam non posse mutare quae sunt juris naturalis, præcipue sacramenta, ut supra probavi pro ratione dubitandi. Quæ difficultas adeò gravis est, ut plures PP. in Concil. Trident. putaverint, Ecclesiam non posse irritare matrimonia clandestinæ recepta, ut refert Spondanus in continuo Baronii, anno 1563. num. 39. Sed dicendum est, sine ulla mutatione juris naturalis potuisse Ecclesiam irritare matrimonium clandestinum, reddendo inhabiles personas, quæ ipsius jurisdictioni sublunt: & licet mutare non possit materiam sacramentorum, reddendo nullam, vel illegitimam, quæ à principio fuerat legitima; potest tamen hoc facete in contractibus, qui magna ex parte pendunt ab actionibus moralibus, quas Ecclesia in suis subditis impedit potest. Unde cùm matrimonium incipiat à contractu, potuit Ecclesia ejus materiam mutare, & per consequens impedire sacramentum. Nec substantialia sacramenti mutata fuerunt, veluti materia & forma, & minister, quod Ecclesia facere non posset, idoque ea multò minus fecit: sed quia con-

trahentium consensus in contractu, qui ad rationem sacramenti elevandus est, potestati Ecclesiæ subditur, ut Principi seculari, subiicitur in contractu merè seculari, aliter præstitum consensum nullum declaravit: quo fulcro subducto, & deficiente consensu, qui est matrimonii radix in esse contractus, deficit & contritus, & per consequens sacramentum. Deinde ut lex civilis quasdam personas inhabiles reddit ad contrahendum ex justa causa, quam prævidet, et si non sit merè naturalis: sic lex Ecclesiastica potuit inhabiles ad contrahendum reddere eos, qui nolunt matrimonium contrahere coram parocho & testibus: sic Sanchez ubi proxime, noster Basilius, parum in effectu discrepans, licet dislentire voluerit, lib. 5. de matrimon. cap. 4. alii, quos sedulò refert Barbosa de officio parochi, cap. 21. & de potestate Episcopi 2. part. alleg. 32. Diana part. 7. tract. 1. refol. 23. & sequent. Dartis in 30. quest. 5. Nec obstat augmentum dubitandi rationis deductum ex dicta lege non dubium, C. de legibus, pro cuius solutione disserimen est constitendum inter eum casum in quo lex tantum aliquid prohibet penâ statutâ, & inter eum, in quo irritatum in contrarium gestum. Primo casu actus de facto celebratus subsistit, in l. 1. C. de secundis nupt. secundo vero casu ipso jure nullus est, ut in l. 4. I. 6. C. de incestis nuptiis, l. unic. Cod. si qua umque preditus, l. unic. C. de interd. matrimon. l. eum qui 18. Cod. ad l. 7. ad adult. docent Arnoldus Vinius lib. 1. select. cap. 1. Hunnius ad Trent. volum. I. disp. 6. q. 54 & disp. II. quest. 28. Caldeira lib. 2. de error. cap. 1. Unde licet matrimonium clandestinum prohibitum esset in præsenti textu, & aliis supra citatis, tam cùm poena tantum apposita esset, non vero clausula irritans adjecta, ideo matrimonium de facto celebratum valebat, usque dum per Concil. Trident. irritum declaratum fuit.



TITULUS IV.

De sponsa duorum, & sponso duorum.

CAPUT I.

Augustinus (a) *Defide pactionis & consensus.*

DUOBUS modis dicitur fides pactionis, & consensus: si aliquis alicui mulieri fidem fecerit pactionis, non debet aliam ducere; si aliam duxerit, pœnitentiam debet agere de fide mentita: maneat tamen cum illa, quam (b) duxit; non enim rescindi debet tantum sacramentum. Si autem fecerit fidem consensus, non licet aliam ducere: si autem duxerit, dimittet ipsam, & adhæredit uxori priori. Esta autem fides pactionis, quando aliquis (c) promittit alicui fidem, quod eam ducet, si permiscerit ei rem secum habere, vel etiam pro consensu: fides autem consensus est, quando etiam non stringat (d) manum, corde tamen & ore consentit ducere, & mutuo se concedunt unus alii, & mutuo se suscipiunt.

NOTÆ.

N O T A E.

1. (a) **A**ugustinus.] Ita etiam legitur in 1. collect. sub hoc titul. cap. 1. & in cap. fin. 27. q. 3. Sed inter opera Magni Doctoris Augustini non reperiri verba hæc, jam notarunt Cujac. & Ant. Augustinus in praesenti: quare vel sunt alterius Augustini, vel ipsius Doctoris, sed in opere nondum excuso.
2. (b) **Quam duxit.**] Quia sponsalia de futuro solvantur per matrimonium de praesenti, ut ex posui supra in cap. de spons.
- (c) **Promittit.**] De futuro videlicet, ut probavi in cap... de spons.
3. (d) **Stringat manum.**] Non solum apud Hebreos, verum etiam apud Gentiles manus dextræ conserebant, qui matrimonio jungabantur, ut liquet ex cap. 7. Tobiae, & ex Xenophonte lib. 3. rer. Graecar. Unde Claudianus in epist. Palladii & Sirena:
- Tu dextram complexa viri, dextramque pueræ
Tradis, & his ultra sanctis connubia dictis:
Vivite concordes, & nostrum discite munus.*
- Tertul. lib. de veland. Virgimib[us], ibi: *Si autem ad desponsationem velantur, quia & corpore, & spiritu masculo mixta sunt per osculum & dexteras, per quæ primū regnariunt pudorem spiritu. Veter-*
- res enim, ut inquit Suidas, in pastis conventis oscula præbere, & dextræ porrigitæ solebant, quia hoc, ut ait Tertul, in lib. de prescript. signum est concordia & fidei: unde Aristophanes ajebat: *Oscula me, & porrige dextram.* Hinc illud Ciceronis lib. 7. epist. ad Atticum, ibi: *Vbi sunt illa densa dextera?* Donatius ad illud Tarentum in Andria, ibi: *Hanc in manu dat;* scribit legitimas nuptias per manus conjunctionem confirmari. Inde apud Romanos matrimonium celebratur per conventionem in manum, ut probavi suprà in cap. 2. de sponsalibus. Veteres enim, vel in amicitia concilianda, vel in foedere ineundo, vel in adstringenda fide dextræ jungere solebant, ut ex Eustachio, Aristophane, & aliis probat Dionis Salvanius ad Ovidium in lib. 1. vers. 527. rationem assignarunt Servius ad lib. 2. Eneid. his verbis: *fungere dextræ majorum salutationem fuisse.* Cujus causam afferit Vario, Callimachum sequutus, afferens: *Omnem eorum honorem dextra constitisse virtutem.* Quamobrem hac se venerabant corporis parte. Plinius lib. 11. histor. cap. 14. In ep. inquit, & aliis partibus quadam religio, stet dextra oculis, averfa appetitur, in fide porrigitur. Latè illustrarunt Philipp. Camer. hor. success. cent. 2. c. 46. Mendoza in Viridario lib. 8. Saturn. cap. 3. & nos aliqua diximus in cap. final. de jur. calum.

C A P U T II.

Ex (a) Burch. lib. XIX.

Accepisti illam uxorem, quam alter sibi desponsatam habuerat, dimitte illam, quia nunquam potest tibi fieri legitima: & XL. dies in pane & aqua, quod (b) carenam vocant, cum VII. sequentibus annis pœnitieas.

N O T A E.

1. (a) **B**urchardo lib. 19.] Titul. de fornicatione, sub hoc titul. cap. 9. Sed rectius ex Pœnitentiali Romano, titulo de fornicatione, ubi reperitur textus hic, & à quo transcripsit illum Burchardus. De autoritate ipsius Pœnitentialis, plura concessit Saulay in Panopl. sacerd. cap. 1. lib. 7. in appendice, §. 32. De Decreto Burchardi nonnulla adduxi in appara-
tatu adhac commentaria
2. (b) **Carenam.**] Lepida est hujus vocis interpre-
tatio Glosse in praesenti, q. uam sequitur Olden-
dorp[us]. Vulgate, inquit, est Italorum, alias Longobardorum: & dicitur Carena, à parentia hominum, vel etiam cibariorum; nam in illis diebus includuntur in aliquo loco secreto juxta Ecclesiam, ubi non habent confortum hominum. Contius carenam sic dictam putavit, quasi caninam, quod pane & aqua vescerentur, non ut cæteri homines, alii cibis. Filescus de Quadrag. cap. 4. corruptam vocem esse existimat, ita ut quadragesima derivata sit, à qua forma-
tæ sunt voces, populo ita balbutiente, Carentena, Carena, & Carina; olim enim propter graviora crimina coepérunt laicis injungi solennes pœnitientiæ, cap. penult. & ultimo, §. 30. distinct. cap. fin. 26. q. 6. dicemus latè in cap. 1. de pœnit. & illi quibus injungebatur pœnitentia per 40. dies, jejunare in pane & aqua tenebantur, & hæc pœ-
- nitentia dicebatur Carena: quo modo accipitur passim in Pœnitent. Romano, & in can. 17. & 19. Concilii Salagoni, apud Iwonem p. 15. Decreti, cap. 183. & 185. & in cap. accusati, de accusati, apud Alexandrum II. in epistol. ad Clerum Vulturiensem, relatum ab Iwone p. 10. Decreti. c. 16. apud Caſarium lib. 4. cap. 37. Miles quidam Bonnenſis, Henricus nomine, tempore quoddam quadra-
gesimali carenam fecit apud nos. Et lib. 5. cap. 42. meminit quorundam qui peregrinati sunt in Sanctum Remigium, & de uno illorum ita ait: *Cum alter quidam miles, Gundolphus nomine, vir nobilis, de villa Esselingen oriundus, suscepit carenam, tempore Capituli Generalis Cisterciensium proponeret. Etiam dicitur bannitum jejunium, ut notarunt Severius Binus in not. ad Concil. Salagoni. Zerda in advers. cap. 44. num. 8. Ant. Au-
gust. in not. ad pœnitent. Roman. tit. 1. cap. 34. Acuna in cap. qui vero. §. 30. distinct. Saulay in panopl. sacerd. lib. 7. p. 1. §. 32. Julius Laboris de Jubileo, p. 2. cap. 10. num. 37. Theoph. tom. 10. in Rosa meridiana, pag. 475. à. Theutonicis vocem hanc cecepisse docetur in Pœnitent. Roman. tit. 2. de homicidio, cap. 34. ubi ita legitur: *Ita faciem-
dum est tibi, ut pro psalmista 40. dies in pane &
aqua, quod Theutonicis carena vocatur, cum septem
sequentibus annis pœnitieas.* Et ita carena in præ-
senti propriè accipitur pro jejunio 40. die-
rum.*